

Broj: 3296-8/20

Datum: 21.04.2020. godine

Na osnovu člana 21. stav 1. tačka d), člana 64. stav 1. tačka a), člana 70. stavovi 1., 3. i 6. Zakona o javnim nabavkama (Sl. Glasnik BiH broj: 39/14), člana 8. stav 2. tačka d) Pravilnika o uspostavljanju i radu Komisije za nabavke (Sl. Glasnik BiH broj: 103/14), i člana 27. Statuta Javne ustanove Opća bolnica „Prim. dr. Abdulah Nakaš“, na Zapisnik o provedenom otvaranju inicijalnih ponuda u pregovaračkom postupku bez objave Obavještenja o nabavci i sa otvaranja konačne ponude broj: 3296-7/20 od 21.04.2020. godine čiji je sastavni dio Preporuka i Izvještaj o radu Komisije, u postupku javne nabavke - roba - **Uređaj za analize hitnih imunoloških parametara – 1 komad i potrošni materijal za uređaj, Hematološki brojač 3 diff – 1 komad i potrošni materijal za hematološki brojač 3 diff i Potrošni materijal za aparat za acidobazni status za 200 pacijenata**; direktor Javne ustanove Opća bolnica „Prim. dr. Abdulah Nakaš“, je donio

ODLUKU o izboru najpovoljnijeg ponuđača

Član 1.

Prihvata se Zapisnik o provedenom otvaranju inicijalnih ponuda u pregovaračkom postupku bez objave Obavještenja o nabavci i sa otvaranja konačne ponude broj: 3296-7/20 od 21.04.2020. godine čiji je sastavni dio Preporuka i Izvještaj o radu Komisije i Ugovor za javnu nabavku roba – **Uređaj za analize hitnih imunoloških parametara – 1 komad i potrošni materijal za uređaj, Hematološki brojač 3 diff – 1 komad i potrošni materijal za hematološki brojač 3 diff i Potrošni materijal za aparat za acidobazni status za 200 pacijenata** dodjeljuje se ponuđaču **NEW TECHNOLOGY d.o.o. Sarajevo**, ponuda broj 057/20 dostavljena dana 15.04.2020. godine, za ponudenu cijenu za stavku 1 - do 20.989,05 KM bez uračunatog PDV-a, odnosno 24.557,19 KM sa uračunatim PDV-om, za stavku 2 – do 13.663,27 KM bez uračunatog PDV-a, odnosno 15.986,03 KM sa uračunatim PDV-om i za stavku 3 – do 4.702,52 KM bez uračunatog PDV-a, odnosno 5.501,95 KM sa uračunatim PDV-om, kao jedinom i najpovoljnijem ponuđaču.

Član 2.

Izabrani ponuđač se osloboda obaveze dostavljanja originala ili ovjerene kopije dokumentacije iz člana 45. Zakona o javnim nabavkama nakon prijema Odluke o izboru najpovoljnijeg ponuđača jer je navedenu dokumentaciju dostavio uz ponudu.

Član 3.

U skladu sa članom 98. stav 2. tačka a) Zakona o javnim nabavkama prijedlog Ugovora o nabavci dostavlja se na potpis izabranom ponuđaču uz Odluku o izboru najpovoljnijeg ponuđača.

Član 4.

Ova Odluka objaviće se na internet stranici Javne ustanove Opća bolnica „Prim. dr. Abdulah Nakaš“ (www.obs.ba), istovremeno sa upućivanjem ponuđaču koji je učestvovao u postupku javne nabavke, u skladu sa članom 70. stav. 6. Zakona o javnim nabavkama.

Član 5.

Ova Odluka stupa na snagu danom donošenja, i dostavlja se ponuđaču koji je učestvovao u postupku javne nabavke, u skladu sa članom 71. stav 2. Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: **3296-3/20 od 07.04.2020. godine.**

Javna nabavka je sprovedena **putem pregovaračkog postupka bez objave obavještenja.**

Procijenjena vrijednost javne nabavke bez PDV-a je po stavkama kako slijedi:

1. Stavka 1 - do 20.989,05 KM bez uračunatog PDV-a
2. Stavka 2 - do 13.663,27 KM bez uračunatog PDV-a
3. Stavka 3 - do 4.702,52 KM bez uračunatog PDV-a.

Informacija o provođenju pregovaračkog postupka bez objave obavještenja i tenderska dokumentacija objavljena na web portalu Opće bolnice dana 10.04.2020. godine.

Komisija za nabavku, imenovana je Rješenjem broj: **3296-4/20 od 07.04.2020. godine.**

Povodom aktualnih dešavanja u Bosni i Hercegovini u vezi sa koronavirusom (COVID-19) i službenim proglašenjem pandemije od strane Svjetske zdravstvene organizacije od 11.03.2020. godine, te Odluke o proglašenju stanja prirodne ili druge nesreće na teritoriji Bosne i Hercegovine od strane Vijeća ministara BiH od 17.03.2020. godine, Odluke o proglašenju stanja nesreće zbog koronavirusa na području Federacije BiH od strane Vlade Federacije BiH od 16.03.2020. godine i Odluke o proglašenju vanredne situacije u Republici Srpskoj od strane Vlade Republike Srpske od 16.03.2020. godine, kao i okolnosti koje iz toga proizilaze kao što su ograničenje kretanja, izbjegavanje većih javnih okupljanja, zatvaranje granica BiH i slično, te specifične dinamike rada ugovornog organa koje opisane okolnosti nalažu, tokom realizacije Plana nabavki javile su se potrebe Javne ustanove Opća bolnica „Prim. dr. Abdulah Nakaš“ za nabavkom roba koje se nisu mogle predvidjeti u vrijeme donošenja Plana nabavki za 2020. godinu.

U skladu sa Naredbom Kriznog štaba Ministarstva zdravstva Kantona Sarajevo od 09.03.2020. godine zbog promjene epidemiološke situacije u svijetu, Evropskom regionu i Bosni i Hercegovini (sumnja na oboljenje od Coronavirusa) Javnoj ustanovi Opća bolnica „Prim. dr. Abdulah Nakaš“ naloženo je da shodno raspoloživim bolničkim posteljnim kapacitetima hitno napravi preraspodjelu posteljnih kapaciteta kako bi se omogućilo zbrinjavanje većeg broja oboljelih u bolničkim zdravstvenim ustanovama na području Kantona.

Nadalje, kako se radi o Pandemiji korona virusa koju je proglasila Svjetska zdravstvena organizacija 11.03.2020. godine, navedeni događaj se nije mogao predvidjeti i ne mogu se ispoštovati minimalni rokovi predviđeni u redovnim postupcima.

Predmetna nabavka se vrši zbog krajnje hitnosti kako bi se spriječila ili ublažila epidemija kod pacijenata sa sumnjom na oboljenje od korona virusa i kod pacijenata sa pozitivnim nalazom na korona virus.

Navedeni događaj je izvan kontrole Opće bolnice kao ugovornog organa, a zbog navedenog događaja zahtjeva se hitna nabavka radi sprečavanja ili ublažavanja širenja pandemije koronavirusa i spašavanja ljudskih života (Zakon o zaštiti stanovništva od zaraznih bolesti u BiH, Zakon o zaštiti i spašavanju ljudi i materijalnih dobara u BiH od prirodnih i drugih nesreća, i sl.).

Bitno je napomenuti da bi primjena redovnog postupka javne nabavke, odnosno vrijeme potrebno za provođenje istog, prouzrokovalo izuzetno negativne posljedice, te da je Javna ustanova Opća bolnica „Prim. dr. Abdulah Nakaš“ upravo na osnovu takve procjene postupila i preduzela radnje odmah.

Komisija za javnu nabavku dostavila je direktoru Javne ustanove Opća bolnica „Prim. dr. Abdulah Nakaš“ Zapisnik o provedenom otvaranju inicijalnih ponuda u pregovaračkom postupku bez objave Obavještenja o nabavci i sa otvaranja konačne ponude broj: 3250-7/20 od 14.04.2020. godine čiji je sastavni dio Preporuka i Izvještaj o radu Komisije, u postupku javne nabavke roba: **Uređaj za analize hitnih imunoloških parametara – 1 komad i potrošni materijal za uređaj, Hematološki brojač 3 diff – 1 komad i potrošni materijal za hematološki brojač 3 diff i Potrošni materijal za aparat za acidobazni status za 200 pacijenata.**

U postupku po Izvještaju o radu je utvrđeno da je Komisija za nabavku blagovremeno i pravilno izvršila otvaranje, pregled i ocjenu prispjelih ponuda, o čemu je sačinila odgovarajuće zapisnike, u kojima je utvrđeno slijedeće:

- da je u predmetnom postupku primljena 1 ponuda,
- da je blagovremeno primljena 1 ponuda,

- da je ponuda ponuđača **NEW TECHNOLOGY d.o.o. Sarajevo**, kvalifikovana i prihvatljiva, dostavljeni su svi traženi dokazi propisani tenderskom dokumentacijom, na propisan način.

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te pregled i ocjenu početne i konačne ponude, u skladu sa kriterijumima iz Tenderske dokumentacije.

U postupku ocjene provedenog postupka, direktor Javne ustanove Opća bolnica „Prim. dr. Abdulah Nakaš“ nije našao razloge, nepravilnosti niti propuste u radu, koji bi eventualno bili osnov za neprihvatanje Preporuke Komisije za nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima

i Tenderskim dokumentom. Uvidom u priloženu dokumentaciju, nesporno je da je izabrani ponuđač **NEW TECHNOLOGY d.o.o. Sarajevo** najbolje ocijenjen zbog:

Ekonomski najpovoljnije ponude sa podkriterijima kako slijedi:

1. Cijena - 10 bodova
2. Rok isporuke – 90 bodova

Ukupan mogući broj bodova: 100

Red. broj	Naziv ponuđača	Kriterij za dodjelu ugovora – ekonomski najpovoljnija ponuda		Ukupno bodova
		Cijena (KM bez PDV-a) - 10 bodova	Rok isporuke – 90 bodova	
1.	NEW TECHNOLOGY d.o.o. Sarajevo	1. Uređaj za analize hitnih imunoloških parametara – 1 komad i potrošni materijal za uređaj - do 20.989,05 KM bez uračunatog PDV-a 2. Hematološki brojač 3 diff – 1 komad i potrošni materijal za hematološki brojač 3 diff – do 13.663,27 KM bez uračunatog PDV-a	7 dana po dobijanju narudžbe za aparate Sukcesivna isporuka u roku 7 dana po dobijanju narudžbenice u trajanju od 12 mjeseci za potrošni materijal 90 bodova	100 bodova

		<p>3. Potrošni materijal za aparat za acidobazni status za 200 pacijenata – do 4.702,52 KM bez uračunatog PDV-a</p> <p>- 10 bodova</p>	
--	--	--	--

Izabrani ponuđač je izabran primjenjujući kriterij: Ekonomski najpovoljnija ponuda.

Iz navedenih razloga, primjenom člana 21. stav 1. tačka d), člana 64. stav 1. tačka a) Zakona o javnim nabavkama, člana 70. stavovi 1., 3. i 6. Zakona o javnim nabavkama („Sl. glasnik BiH“ broj: 39/14), člana 8. stav 2. tačke d) i f) Pravilnika o uspostavljanju i radu Komisije za nabavke („Sl. glasnik BiH“ broj: 103/14) i člana 27. Statuta Javne ustanove Opća bolnica „Prim. dr. Abdulah Nakaš“, odlučeno je kao u članu 1. ove Odluke.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke.

Žalba se izjavljuje Kancelariji za razmatranje žalbi Bosne i Hercegovine, putem ugovornog organa u pisanoj formi direktno ili preporučenom poštanskom pošiljkom na adresu:

Javna ustanova Opća bolnica „Prim. dr. Abdulah Nakaš“, Kranjčevićeva broj 12, Sarajevo.

Žalba se podnosi u najmanje 3 (tri) primjerka.



DIREKTOR

(Prim. dr. Zlatko Kravić)

Dostaviti:

- Ponuđaču: NEW TECHNOLOGY d.o.o. Sarajevo
- Odjeljenje za ekonomsko-finanjsijske poslove
- Bolničku apoteka
- ⊗ Odsjek za javne nabavke
- Komisiji za javne nabavke
- u/a